



## In Jesus se voetspore

Om Blitsposte ontvang, stuur 'n e-pos na [bladuitleg@nhk.co.za](mailto:bladuitleg@nhk.co.za) of [grafies@nhk.co.za](mailto:grafies@nhk.co.za) en versoek dat u naam op die versendingslys geplaas word.

Nuus, berigte en kort kommentaar (uiters 100 woorde) aan [produksie@nhk.co.za](mailto:produksie@nhk.co.za)

Webblad van die Hervormde Kerk [www.nhka.org](http://www.nhka.org)

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

**Toe ek as jong predikant my plek in die Kerk ingeneem het, het die ou oom Dominee gespot oor my pienk wange en blinksterogies. Gou het ek agtergekom hulle verwys eintlik na die naïwiteit waarmee 'n student die Kerk betree. Maar ek was reg daarvoor.**

Soos die tyd verloop het, het die realiteit ons maar almal laat besef dat dit nie aldag maklik is nie. Met finansiële vergaderings wat dalende syfers, stygende uitgawes en moedeloze gesigte vervat, het ek maar elke keer die professore se woorde gehoor: *Iewers gaan jy 'n tweede beroep ook hê.*

In 2016 het daardie ander wêreld my realiteit geword. Dit was 'n moeilike besluit, want die Kerk was wat ek geken het, wat ons as gesin geken het. My kinders het tydens huisbesoeke op gemeentelede se banke hul middagslapies gehad. Gemeente-ooms is as Oupa aangespreek, en ek kon enige tyd by gemeentelede aandoen – en enige tyd in die dag beskikbaar wees.

Ek het die wêreld van onderwys gekies, onder andere omdat ek steeds so naby moontlik aan my kinders wou wees. Dit was 'n moeilike begin. My kinders was klein, en ewe skielik was ek nie net met 'n ander beroep gemoeid nie, maar moes ek ook weer student wees. Party dae besef ek dat dit net met genade is dat ons daardeur gekom het. Genade, en 'n ongelooflike man.

Vandag is ek al vyf jaar lank ook bekend as Juffrou Marlize by die liggroen deur. Graad 1-juffrou. Onder andere by dieselfde skool as my twee mannetjies. Maar jakkals verander van haar, nie van snaar nie. Dit was nie lank nie, of ek het die Voedingskema by die skool oorgeneem, en gesorg dat almal elke dag kos het. Ek vul die Vorderingsblaie soos 'n ware dominee in, met volledige inligting oor emosionele vordering. Ek moes 'n nota maak om te onthou van skolastiese uitvalle en vorderings. Ek raak betrokke by gesinne wat seker nooit hul voete in 'n kerk sal sit nie. En geleenthede waarby ek begin verstaan hoekom my wêreld op sy kop gekeer moes word.

Dit was vir die gemeente ook 'n groot verlies en aanpassing. Die grootste hiervan is my beskikbaarheid. Begrafnisse is byvoorbeeld nou in die middag om by die skoolure aan te pas. Dit het al gebeur dat ek kerk toe ry, en iewers in die ry my netbalafrigtingshemp uittrek, en die begrafnishemp aantrek!

Alhoewel ek in deeltydse hoedanigheid is, is die Kerk steeds my passie, my Huis. So, ek is nog baie betrokke in die gemeente, en dis vir my lekker. Dis waar ek weer besef hoekom ek nie verniet opgewonde oor die Kerk was nie. Want dis waar ek God se werking so duidelik sien, waar ek leer om te vertrou, en te weet dat God sorg.

Maar dis nodig dat ons almal breër oor die werk van die Kerk sal moet begin dink, dat ons waarlik sal verstaan wat dit beteken om kerk te wees. Want Jesus het nie elke dag in die tempel gewerk nie. Hy was tussen die skares, Hy het kos gegee, aan mense geraak, betrokke geraak by mense wat ook in alle waarskynlikheid nie verder by Hom betrokke sou wou wees nie. Maar Hy was daar. Hy het in liefde ons almal gered.

Daarom probeer ek elke dag om in sy voetspore te volg... Een tree as Dominee Marlize, en een groot geduldige tree wanneer ek hoor: *Ek gaan vir Juffrou sê!*

## Lief en leed

- Voormalige predikant van die NHKA **JPC (Jasper) van der Westhuizen** (52) is Donderdagmiddag 28 Julie oorlede. Sy roudiens op Saterdag 13 Augustus om 11:00 vanuit Gemeente Randfontein Midpark sal gelei word deur dr EB (Ernest) Marran. Ons innige meelewing gaan aan sy vrou, Cia, en hul naasbestaandes.
- Baie geluk aan **ds Janine en Alwyn Fourie** met hul goeie nuus. Die egaar verwag 'n babadogtertjie rondom 15 November.
- Baie geluk ook aan **ds Liza en Wilhelm Jansen** van Witbank-Suid wat hul babaseuntjie teen die middel van Desember verwag.



Jasper van der Westhuizen



Ds Janine en Alwyn Fourie

- Baie geluk aan **mnr Johan Hattingh**, bedryfshoof van die NHKA, wat op 28 Julie sy MBA-graad by Noordwes-Universiteit ontvang het. Hy het die graad met lof ontvang onder leiding van sy studieleier, prof Hein Prinsloo van die NWU Besigheidskool. Die titel van die verhandeling was *Developing a marketing strategy for ministries in the reformed churches in South Africa*. In die verhandeling word vermeld dat bemarking vir die kerk 'n vreemde term is. Die verhandeling het egter die belangrikheid van 'n bemarkingstrategie bewys, veral met 'n afname in lidmaatgetalle in die drie susterskerke.



Hierdie afname kan ook toegeskryf word aan die verlies aan markaandeel in 'n spesifieke marksegment. Die probleemstelling het aanleiding gegee tot die navorsingsvraag: Watter bemarkingstrategie kan ontwikkel word om die gereformeerde susterskerke, en meer spesifiek die NHKA, te help om markaandeel te herwin deur effektiewe en doeltreffende bemarking? Volgens mnr Hattingh was dit vir hom 'n groot voorreg dat sy studieleier, prof Hein Prinsloo, die geleentheid bygewoon het, en dr Rudy Denton deel was van die afsluiting van die gradeplegtigheid en akademiese prosessie. **Op die foto** is van links na regs prof Hein Prinsloo, Johan Hattingh en dr Rudy Denton.

- **Die volgende predikante verjaar tot 12 Augustus, en word hartlik geluk gewens:**
  - Donderdag 4 Augustus: Di JJ (Jan) Claassen (55) (Naboomspruit) en PS (Stephan) van Tonder (69) (emeritus)
  - Vrydag 5 Augustus: Ds PW (Dwies) Duvenage (62) (Barberton)
  - Saterdag 6 Augustus: Ds RG (Renier) Lee (72) (emeritus)
  - Sondag 7 Augustus: Prof LJS (Lourens) Steenkamp (76) (emeritus/Makarios), di HJ (Kobus) Celliers (56) (Brits), EJ (Rassie) Smit (74) (emeritus) en JAP (Johans) van Tonder (60) (siekte-emeritaat)
  - Maandag 8 Augustus: Ds JB (Jan) Schutte (71) (emeritus)
  - Woensdag 10 Augustus: Di J (Johan) Ayres (63) (Germiston) en D (Denise) Schmidt (50) (Jeffreysbaai/Port Elizabeth)

## Gemeentes en bediening

- **Ds JJ (Johan) Greyling** lever sy intreepreek by Gemeente Bethal op **Sondag 14 Augustus om 11:00**. Belangstellendes wat die geleentheid en die verrigtinge na die diens wil bywoon, moet asseblief **teen 7 Augustus** vir Lietie by 082 771 4112 laat weet.
- **Ds LK (Lilian) Erasmus** (Wonderboom-benoeming), wat die beroep na Wonderboom aanvaar het, word op **Sondag 14 Augustus** opnuut in die gemeente verwelkom.
- Alle gemeentes van die **ring van Bothaville** wat intern oudit, asook die ring se boeke, is volledig geoudit vir die 2021-'22-boekjaar. Die state van Gemeente Bothaville wat ekstern geoudit word, word afgewag.



- **Sondag 21 Augustus: Bybelsondag**

### **Spesiale deurkollekte vir Bybelgenootskap van Suid-Afrika**

Die besondere vennootskap tussen die Kerk en die BSA om bekostigbare Bybels te voorsien, strek al oor baie jare. Soos aanbeveel deur die Kommissie van die AKV, vind die **jaarlikse deurkollekte** vir die BSA vanjaar plaas op Sondag 21 Augustus. Dit staan bekend as Bybelsondag en val saam met die herdenking van Bartolomeusdag. Die vervolging van die kerk het in die geskiedenis gewoonlik geleid tot die verspreiding van die evangelie. Die **deurkollekte is vervroeg** omdat Hervormingsondag (30 Oktober) te naby aan die einde van die BSA se finansiële jaar is en die bydraes dan nie betyds inbetaal kan word nie. Gemeentes word dus versoek om die deurkollekte van Sondag 21 Augustus so gou moontlik daarna aan die BSA oor te betaal.

- **HOOP IN BEWEGING: UITDAGING 2022**

**Gemeente Outeniqua** daag weer vanjaar al die ander gemeentes van die Kerk uit om in te skryf vir die **Draf-Stap-Trap vir Bybels** en die afstand na hulle toe virtueel af te lê. Outeniqua sal dan die uitdaging beantwoord deur dieselfde afstand ook virtueel af te lê. Outeniqua is bereid om met die gemeente wat die verste afstand aflu, te beraadslaag om saam 'n projek aan te pak. Die Bybelgenootskap sal 'n aantal Bybels en boekies met Bybelverhale aan die twee gemeentes skenk om na goeddunke aan te wend. Skryf **hier** in as groep.

## **Vergaderings**

- Donderdag 11 Augustus: Rata Finkom  
ADV Dagbestuur
- Vrydag 12 Augustus: Oudit- en Risikokomitee

## **Studentesake**

- **Studentebehuising. Gemeente Philadelphia** verskaf aan studente veilige behuising by Fleur de Lis op die kerkterrein. Dit bestaan uit enkelkamers met gedeelde fasilitete. Die behuising is binne stapafstand van die kampus en winkelsentrums. Skakel dr Sanrie de Beer by 083 226 1866 of stuur 'n e-pos na **nhkphiladelphia@gmail.com** vir meer inligting.
- **Studentebehuising. Gemeente Stellenbosch** kan veilige behuising op die kerkterrein en op die kampus aan studente verskaf. Dit bestaan uit óf enkelkamers met gedeelde fasilitete, óf eenmenswoonstelle. Skakel dr Chris le Roux by 079 495 3239 of stuur 'n e-pos na **stellenbosch@nhk.co.za** vir meer inligting.

## **Toerusting**

- Die **Sentrum vir Gemeentelike Bediening (SGB)** bied die **IMG-kursus** (Inleiding tot Missionale Gemeentewees) gratis oor 'n periode van ses weke aan. Dit vind plaas via Zoom, van 09:00 tot 11:00, en wel nog op die volgende vyf datums:
  - Die herontdekking van missionaliteit in 'n veranderende wêreld: 4 Augustus
  - Die herontdekking van die missionale aard van die gemeente: 11 Augustus
  - Die herontdekking van dissipelskap: 18 Augustus
  - Die herontdekking van missionale spiritualiteit: 25 Augustus
  - Die herontdekking van missionale luister in die gemeenskap: 1 September

Join Zoom Meeting

<https://us02web.zoom.us/j/9427689935?pwd=d3d3K1N1cDU0a1pIZCtjSS9ZSFY4dz09>

Meeting ID: 942 768 9935

Passcode: SGB

Navrae: Dr Frikkie Labuschagne by [karen@nhk.co.za](mailto:karen@nhk.co.za).

- **Gereformeerde Teologiese Werkgemeenskap**

- Jaarlikse konferensie 2022**

- Uitnodiging om by te woon en voordrag te lewer**

In verskeie wêrelddele ervaar die bediening van die kerk uitdagings. Dit sluit in 'n afname in lidmaatgetalle, 'n afname in die geloofsverbintenis van lidmate, sosio-ekonomiese verskuiwings binne bedieningsomgewings, die invloed van groeiende sekularisasie, finansiële beperkings en die gevolge van 'n wêreldwye pandemie. Baie van hierdie uitdagings word ook binne Gereformeerde bediening in Suid-Afrika ervaar. Soos met alle uitdagings, bevat hierdie uitdagings ook verskeie geleenthede vir bediening in die moderne konteks. In die lig hiervan nooi die Gereformeerde Teologiese Werkgemeenskap jou uit na 'n konferensie oor **Gereformeerde bediening vandag: Impak, uitdagings en geleenthede**.

Die subtemas van die konferensie is: toepaslike prediking; worsteling met sekularisme; gebruik van tegnologie tot voordeel van die bediening; bediening van alle mense in die moderne konteks; doeltreffende pastorale werk wat op spesifieke groepe fokus (bv jeug, enkellopendes, bejaardes); voortgesette teologiese opleiding; en die behoefté aan Christelike dienende leierskap.

**Datum: 27 September 2022**

**Plek:** Teologiese Skool Potchefstroom / Aanlyn

**Koste:** In persoon R300 (sluit verversings en middagete in); aanlyn R100

**Program:** Word nader aan die konferensiedatum gepubliseer

Kom neem deel aan die konferensie, as bywoner en/of spreker. Diegene wat belangstel om 'n **referaat** oor een van die subtemas te lewer, moet 'n voordragopsomming indien by Albert Coetsee ([albert.coetsee@nwu.ac.za](mailto:albert.coetsee@nwu.ac.za)) voor **5 Augustus 2022**. Die doel is om 'n seleksie van hierdie referate in *In die Skriflig / In Luce Verbi* te publiseer.

Om vir die konferensie te **registreer**, stuur jou kontakbesonderhede en bewys van betaling aan Mohau Ntlhe ([mohau.ntlhe@nwu.ac.za](mailto:mohau.ntlhe@nwu.ac.za)) voor **31 Augustus**.

Rekeningnaam: In die Skriflig

Bank: ABSA

Tak: 632005

Tjekrekeningnommer: 670411664

## Fondsinsamelings

- Die jaarlikse **Draf-Stap-Trap vir Bybels** se inskrywings is nou oop! Jy kan op enige plek en enige dag tussen **1 en 21 Augustus 2022** deelneem. Inskrywings kos **R100 per persoon** en help die Bybelgenootskap om Bybels beskikbaar te stel. Elke deelnemer kry 'n nommer asook 'n bewys van deelname. Skryf [hier](#) in. Baie dankie dat jy 'n Saaier van Hoop is!



- **Saterdag 6 Augustus: Gemeente Hartebeestpoort (Brits) Bergfietswedren**

Keuse van 3 afstande: 36 km, 91 km, 156 km

Plek: Brits-vliegveld

Tyd: Begin om 07:00

Aanlyn inskrywings kan gedoen word

Vir navrae, kontak Michiel Ras by 072 605 1393

Lourens van der Merwe by 082 809 3947

Mias van der Merwe by 083 320 2466

Webwerf vir meer inligting en inskrywings:

<https://bosveldmtb.nhkartebeestpoort.org.za/>

of ook onder "Bike Hub"

- **Rata se Gholfdag ten bate van Kinderbeskerming.** Rata Maatskaplike Dienste se jaarlikse Gholfdag vind vanjaar op **23 Augustus by Silver Lakes Golf & Wildlife Estate** plaas – dit is hul agtste Gholfdag. Rata vra vir ondersteuning in die vorm van vierbalinskrywings, borgskappe en pryse. Inskrywingsvorms, borgskapvorms en meer inligting kan aangevra word van Annelle by [info@rata.org.za](mailto:info@rata.org.za) of 064 437 5997.

- **Rata DRIVE for a CHILD Gholfdag-kompetisie.** Ondersteun kinderbeskerming en staan 'n kans om 'n **VIERBAL ter waarde van R4 600** te wen by Rata se Gholfdag op 23 Augustus. Vierbal, twee gholfkarretjies, middagete en aandete by die prysuitdeling ingesluit. **Inskrywingsfooi slegs R100.** Stuur asseblief bewys van elektroniese betaling aan [fin@rata.org.za](mailto:fin@rata.org.za). Kontak Annelle by 064 437 5997 vir meer inligting.  
**Bankbesonderhede**  
Rata  
Absa tjekekening 020 600 209  
Takkode 632 005

- **Vrydag 2 September: Gemeente Oos-Moot  
SANGAAND VANAF 19:00**

Kunstenaars: Jannie Moolman & Helena Ceronio

NG Kerk Queenswood in Garretweg 249, Queenswood, in kerkgebou

R150 per persoon (geen sitplekaanwysings)

Elektroniese betalings na:

NHKA Oos-Moot

ABSA-tjekekening nommer 143 058 0201

Tak 632 005

Verwysing: Sang & Van (bv Sang Botha)

Stuur bewys van betaling na [nhkaoosmoot@gmail.com](mailto:nhkaoosmoot@gmail.com)

of WhatsApp / Telegram / SMS na 078 877 6732

(reëlings sal met u getref word om die kaartjies by u te kry)

Kaartjies ook beskikbaar by NHKA Oos-Moot, Collinslaan 1265, Môregloed

Tydens pouse sal eetgoed te koop wees –

geen eet en drink word in die kerkgebou toegelaat nie

Kontak Magdaleen van der Schyff by 012 333 4918 of 064 907 7611

**MARKAAND VANAF 16:30**

NG Kerk Queenswood in Garretweg 249, Queenswood

Witolifanttafel en heerlike eetgoed te koop

Kom ondersteun ons asseblief!

- **Oornagfasiliteite: Seniordal.** Seniordal beskik oor oornagfasiliteite wat ideaal is vir persone wat vergaderings, die AKV of kongresse moet bywoon, of wat dokters moet besoek, of verbyf benodig vir familie van persone wat in die hospitaal is. Daar is veilige parkering en 24-uur-sekuriteit. **Vir navrae oor tariewe en vir besprekings,** kontak Salomie Stolz gedurende kantoorure 08:00-12:00 by 012 329 4318, of na ure by 083 308 0520.



# 'n Gedig

## Begrafnis van 'n ouma

Vandag sal hulle jou weglae in die aarde,  
die groen heuwelland van die Noord-Vrystaat,  
boervrou met breë, betroubare hande:  
    die klein swart skaar familie,  
    die agterkleinkind met sy blom,  
    die dominee en die gepaste teks.

Ek was jou eerste naamgenoot, jy het my liefgehad,  
maar kleinkinders is tydeliker as kinders,  
ontgroei hul eie molligheid en oumenshande  
wat lateraan deug net vir 'n transistor op die skoot  
terwyl die oë straat af speur na die posman  
met sy brief van 'n onvervreemde.

Jy kon nog lees, toe het ek ophou skryf,  
jou "waarheidstories" was vergeet,  
en in my onbetrouwde afwesigheid,  
gelyfde vreemdeling, bêre hulle jou vandag.

Longontsteking het jou agterhaal  
voor 'n oop venster,  
jy wat die seerkry van die hoes  
kleintyd uit my bors kon vryf.

Ek onthou die kalfie voor jou koolstoof  
en ruik kamferolie op die winterlug.

**Lina Spies**  
(Uit: *Dagreis*, 1976)

## Barmhartigheid

- **Rata Maatskaplike Dienste** vra vir ondersteuning in die vorm van **skenkings of kontant-donasies** vir **SORGPAKKIES** vir babas en kinders, vir gesinne wat op kort kennisgewing en in krisissituasies babas en jong kinders inneem om hulle tydelik te versorg. Dit gebeur dikwels dat kinders skielik beveilig moet word, en gewoonlik het hulle slegs die klere aan hul lyfies en 'n plastieksakkie met karige ekstras by hulle. Dit gebeur toenemend dat babas kort na geboorte beveilig moet word, en normaalweg kon die mammas nie eens vir die basiese benodigdhede voorsien nie. Van die pakkies sal ook op Rata se Gholfdag (23 Augustus 2022) opgeveil word ten einde die nodige fondse vir hul kinderbeskermingswerk in te samel. Pakkies sal **tussen 15 en 19 Augustus** by gemeentes in Pretoria afgehaal kan word. Reël asseblief met Annelle by [info@rata.org.za](mailto:info@rata.org.za) of 064 437 5997.

**Gemeentes buite Pretoria kan gerus ook deelneem** aan die projek deur 'n finansiële skenking vir 'n pakkie te maak. Bydraes kan inbetaal word by Rata, ABSA, tjkrekening 0020600209, verwysing "Gemeentenaam + Gholfdag", waarmee Rata dan voorrade sal aankoop. Stuur asseblief die betalingsbewys na [fin@rata.org.za](mailto:fin@rata.org.za).

Gebruik gerus eie oordeel oor die pakkies. Die onderstaande lysies is slegs voorstelle:

### BABASORGPAKKIE

- Babaformules: NAN of Infacare.
- 'n Pak weggooidoeke – pasgebore tot 24 maande. Dui asseblief die grootte op die pakkie aan.
- Fopspeen en bababottel.

- Handdoek, waslappie en babaseep. Die kop-tot-tone vloeibare seep werk baie goed (verkieslik hipo-allergenies).
- Kombersie.
- 'n Sagte speelding en/of 'n ratel.
- Babasak.

### **KINDERSORGPACKIE**

- Waslappie en seep, tandeborsel en tandepasta vir kinders onder 12.
- Lyfroom, byvoorbeeld Vaseline Intensive Care.
- Skryfpakkie met 'n pennesakkie, ± twee blou penne, HB-potlode, 'n uitveér, liniaal en skerpmaker (met 'n bakkie vir die snyseksels).
- Kleurpotlode.
- Notaboekie.
- Boek met Bybelverhale.
- Tennisbal.
- 'n Pakkie skyfies en lekkertjies (asseblief nie sjokolade wat kan smelt nie).
- Rugsak.

- **DPS Pleegsorg: Kamp**

**3-7 Oktober 2022**

**Tarentaalpan, Thabazimbi**

Indien u sou belangstel om een van die 36 kinders te borg teen R1 500 per kind, kontak **Suzanne van Deventer** by [suzanne@rata.org.za](mailto:suzanne@rata.org.za) of 066 477 8904. **Inbetalings** kan ook gedoen word by: Kinderhuise van die NHKA, ABSA Besigheidsrekening, rekeningnommer 020 390 093, takkode 623 0005, beskrywing Oktoberkamp (e-pos bewys van betaling na [suzanne@rata.org.za](mailto:suzanne@rata.org.za)). Hierdie is 'n geleentheid om te belê in 'n kind se toekoms. Saam skep ons 'n beter môre. U is ook welkom om ons **webwerf** te besoek by [www.pleegsorg.org.za](http://www.pleegsorg.org.za) of ons **Facebook-blad** by DPS Huise om op die hoogte te bly van die nuutste verwikkelinge.

- **Athalia Uitreik in Bloemfontein**

**Verblyf vir en versorging van bejaardes en gestremdes**

Enkel- en deelkamergeriewe in 'n huislike atmosfeer

Verblyf met 3 etes ingesluit

Verblyf sonder versorging R1 700 per maand

24-uur-versorging onderhandelbaar

(maksumum R8 000 per maand deelkamer)

Navrae: 079 826 6363 / 084 023 0315 / 051 522 6089

[navrae@athalia.co.za](mailto:navrae@athalia.co.za)

[www.athalia.co.za](http://www.athalia.co.za)

- **Louis Trichardt-behuising kompleks vir bejaardes** in Danville, Pretoria, bied kamergeriewe met drie etes per dag teen R4 435 per maand. Vir meer inligting, kontak mev Vicky Muller by 012 386 5310.

- **Ons Tuis (Andries Marié Oosthuizen) in Parys** het tans plek beskikbaar in die tehuise vir versorging van verswakte bejaardes teen R9 760 per maand. 'n Volledige versorgingsfasilitet sluit in 24-uur-versorging, drie maaltye per dag en sekuriteit. Behuisingsfasilitete teen R5 990 per maand is ook beskikbaar op dieselfde perseel; dit sluit drie etes en weeklikse wasgoed en skoonmaak van kamers in asook gratis deelname aan sosiale programme. Vir meer besonderhede, skakel matrone Teresa Broodryk by 056 811 2185.

- **Seniordal-aftreeoord**

Seniordal is die eiendom van die NHKA se **Gemeente Pretoria** en spesialiseer in lewensregverkope en verhuring aan selfversorgende persone ouer as 55 jaar. Die oord is geleë in Rietondale, Pretoria, wat bekend is as 'n stil, veilige, boomryke omgewing en 'n voëlparadys. Seniordal beskik oor 24-uur-veiligheidsdienste en toegangsbeheer, en bestaan uit die volgende woonstelle:

Enkelwoonstel (*Bachelor*): R510 000

Eenslaapkamer: R515 000



1½-slaapkamer: R520 000  
Tweeslaapkamer: R560 000  
Navrae: Salomie Stolz 012 329 4318 / 083 308 0520

## Betaalde advertensies in hierdie nuusbrief

**Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in hierdie nuusbrief geplaas word.** (*Tekskennisgewings van gemeentes is gratis.*) Indien 'n jpg-weergawe van die advertensie voorsien word, moet dit **15,5 cm breed x 6,5 cm hoog wees, resolusie 1878 x 815 pixels, 150-300 dpi.**

Stuur die voorgestelde **teks van nie meer nie as 75 woorde** met of sonder eenvoudige grafika of 'n foto saam met die bewys van betaling aan mev Tessa Oppermann, per e-pos na [produksie@nhk.co.za](mailto:produksie@nhk.co.za). GEEN advertensie sal geplaas word sonder die betalingsbewys nie.

Die **teks en bewys van betaling** moet mev Oppermann bereik teen 16:00 op die Maandag voor die betrokke uitgawe se verskyning. *Blitspos* word normaalweg die Woensdagoggend afgehandel en teen die middag op die webblad gelaai. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasings.

**Die koste is R250 per plasing (BTW ingesluit).** Die verskuldigde bedrag moet uitgemaak word aan die Raad van Finansies, ABSA tjakrekening nommer 020-000-287, takkode 632-005, **verwysing: u naam + Blitspos. Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal.**

## Gebed by die dood van 'n liefde



Lieve Heer,  
wees asseblief met ons vandag  
in hierdie emosionele duisternis.

Help ons om te onthou.

Herinner ons aan die natuurlike vrede  
wat ons in haar teenwoordigheid ervaar het.

Herinner ons aan haar koesterende hart,  
die gulheid van haar gees,  
haar opregte welwillendheid.

Help ons om te onthou  
op hoeveel maniere

U ons en die wêreld geseen het  
deur haar goedheid.

Amen.

[sympathymessageideas.com](http://sympathymessageideas.com)

(Afrikaanse verwerking: Tessa Oppermann)